

Informacije kandidatima o sprovođenju testa norveškog jezika i testa poznavanja društva

- Dolazak:** Na test morate doći precizno na vrijeme. Kandidati koji zakasne na test, bit će odbijeni. Obratite pažnju na vrijeme i mjesto dolaska na test u pismu od testnog mjesta.
- Legitimacije:** Morate pokazati važeći lični/osobni dokument/iskaznicu/legitimaciju i potpisati listu kandidata kada dođete na testno mjesto. Priznata legitimacija je:
- Važeći pasoš / putovnica
 - Norveška vozačka dozvola – original / duplikat
 - Norveška bankovna kartica sa slikom
 - Poštanska ID-kartica – izdata iza 1.aprila/travnja 2003
 - Nacionalna ID-kartica unutar EEA prostora
 - Putna dozvola za izbjeglice i stranački pasoš/putovnica
 - Boravišna kartica za strance
 - Dokaz o podnešenom zahtjevu za azil sa imenom i informacijom o mjestu rođenja.
- Ime:** Kad budete potpisivali kandidatnu listu dužni ste sami prekontrolisati/prekontrolirati da su ime, adresa i ID-broj ispravno upisani.
- Račun:** Ukoliko ste test platili putem fakture ili direktno na testnom mjestu, dužni ste pokazati račun tj.potvrdu o uplati na licu mjesta. Ukoliko ste platili s bankovnom karticom, niste dužni pokazati potvrdu, tj. račun.
- Bolest:** Ukoliko se razbolite morate postlati ili predati potvrdu od doktora ili bolovanje najkasnije 7 (sedam) dana nakon datuma testa. Tek tada ćete se moći prijaviti na novi besplatani test.

Pribor za pisanje: Nije dozvoljeno koristiti lični/osobni pribor za pisanje. Ukoliko Vam je potrebno, olovku i papir za bilješke možete dobiti na licu mjesta. Papir sa bilješkama morate predati na izlazu.

Mobitel: Mobilni telefon mora biti skroz ugašen tokom/tijekom testa i odložen sa strane. Nije dozvoljeno imati ga u džepu ili na Vašem mjestu. Ukoliko kandidat bude imao mobilni telefon uz sebe tijekom/tokom testa, to će se smatrati kao pokušaj varanja na testu.

Pomagala: Tokom/tijekom testa pomagala nisu dozvoljena. To znači da ne možete koristiti Internet, niti dokumente pohranjene na kompjuteru. Tokom/tijekom testa komunikacija s drugima nije dozvoljena osim s redarima i voditeljom testa. Upotreba Interneta ili dokumenata pohranjenih na kompjuteru smatra se kao varanje na ispitu.

Varanje:

Tijekom/tokom testa pomagala nisu dozvoljena. Upotreba/uporaba pomagala ili pokušaj upotrebe pomagala smatra se kao varanje na testu.

Primjeri varanja na testu:

- Upotreba/uporaba elektronskih pomagala i mobilnog telefona
- Upotreba drugih programa na kompjuteru osim ispitnog sistema (npr. Word, Notis)
- Kopiranje tuđeg cijelog ili dijela odgovora
- Upotreba/korišćenje tuđe/falsifikovane legitimacije
- Upotreba/uporaba riječnika ili donesenih bilješki
- Komunikacija sa drugima osim zaposlenima na testom mjestu tijekom/tokom testa

Varanje ili pokušaj varanja dovodi do:

- Izbacivanja iz lokala
- Nećete dobiti dokaz o svim urađenim dijelovima testa koje ste uradili u ovom testom periodu (ovo važi i za usmeni i za pismeni dio)

- Morate čekati do sljedećeg ispitnog termina da bi ponovo uradili test.
- Sljedeći test morat ćete platiti sami.

Varanje na testu može biti otkriveno tijekom/tokom testa, nakon testa ili pri ocjenjivanju testa.

Plagijat:

Tekstovi koje pišete tokom pismenog dijela moraju biti Vaš osobni/lični rad. Plagijat nije dozvoljen. Ukoliko ste koristili cijeli ili dio tuđeg teksta (npr. sa Interneta, školskih knjiga/udžbenika ili od školskih kolega) i taj isti predali kao Vaš osobni/lični, to će se smatrati kao plagijat, te Vaš test neće biti uvažen tj.prihvaćen.

Falsifikacija dokaza/potvrde o položenom ispitu:

Falsifikacija dokaza/potvrde o položenom ispitu se smatra kao falsifikacija dokumenta te će biti prijavljena Policiji.

Potvrda ispita:

Testno mjesto šalje potvrdu testa na adresu koja je upisana na kandidatnoj listi. Promjenu adrese dužni ste prijaviti tesnom mjestu.

Pravo na žalbu:

Žalba na rezultat:

Imate se pravo žaliti na rezultat dijelova testa u pisanom dijelu (test norveškog). Žalbeni rok je tri tjedna/sedmice nakon završenog testa.

Žalba na formalne greške pri sprovođenju testa:

Možete se žaliti na formalne greške pri sprovođenju testa poznavanja društva, usmenog testa norveškog jezika i dijelove testova čitanja, slušanja i pismenog dijela testa. Žalbeni rok je tri tjedna/sedmice nakon završenog testa. Pogledaj informacije o pravu na žalbu:

www.norskproven.no ili na
www.samfunnskapsproven.no.

Prije početka testa imate mogućnost postaviti praktična pitanja. Ukoliko ne razumijete pitanja u dijelovima pismenog testa možete se obratiti voditelju testa.